

## საქართველოს კანონი

### წითელი ჯვრისა და წითელი ნახევარმთვარის ემბლემებისა და სახელწოდებების შესახებ

#### თავი I. წითელი ჯვრისა და წითელი ნახევარმთვარის ემბლემებისა და სახელწოდებების გამოყენება და დაცვა

##### მუხლი 1.

ეს კანონი, 1949 წლის 12 აგვისტოს ქენევის კონვენციებისა (შემდგომში - ქენევის კონვენციები) და მათი 1977 წლის 8 ივნისის დამატებითი ოქმების (შემდგომში - დამატებითი ოქმები) შესაბამისად, ასევე წითელი ჯვრისა და წითელი ნახევარმთვარის XX საერთაშორისო კონფერენციაზე მიღებული ეროვნული საზოგადოებების მიერ წითელი ჯვრისა და წითელი ნახევარმთვარის ემბლემების გამოყენების წესებიდან გამომდინარე, იცავს:

- ა) წითელი ჯვრისა და წითელი ნახევარმთვარის ემბლემებს თეთრ ფონზე (შემდგომში - ემბლემა);
- ბ) სახელწოდებებს "წითელი ჯვარი" და "წითელი ნახევარმთვარე";
- გ) სამედიცინო-სანიტარული გრანსპორტისა და პერსონალის საიდენტიფიკაციო-განმასხვავებელ ნიშნებს.

##### მუხლი 2.

1. ემბლემა გამოიყენება ამ კანონის შესაბამისად, ქენევის კონვენციებითა და დამატებითი ოქმებით გათვალისწინებულ შემთხვევებში, როგორც დაცვითი და განმასხვავებელი ფუნქციების მქონე ნიშანი.

2. ემბლემა არის შეიარაღებული კონფლიქტების, სოციალური და სტიქიური უბედურებების დროს დაჭრილთა, დაავადებულთა და დაზარალებულთა განჯვის შემსუბუქების სიმბოლო; იგი საჭიროებს რეგლამენტირებულ გამოყენებას და პატივისცემით მოპყრობას.

3. შეიარაღებული კონფლიქტის დროს დაცვითი ფუნქციით გამოყენებული ემბლემა არის ვიზუალური გამოხატულება იმ დაცვისა, რომელსაც ქენევის კონვენციები და დამატებითი ოქმები ანიჭებს სამედიცინო პერსონალს, სამედიცინო - სანიტარულ შენაერთსა და გრანსპორტს.

4. დაცვითი ფუნქციის მქონე ემბლემა ფორმით იდენტურია განმასხვავებელი ფუნქციის მქონე ემბლემისა, მაგრამ ზომით მაქსიმალურად დიდია, რათა მისი შორიდან შემჩნევა შეიძლებოდეს.

5. განმასხვავებელი ფუნქციის მქონე ემბლემა დაცვითი ფუნქციის მქონე ემბლემასთან შედარებით მცირე ზომისაა და აღნიშნავს პირისა თუ ობიექტის კავშირს

წითელი ჯვრისა და წითელი ნახევარმთვარის საერთაშორისო მოძრაობასთან.

### მუხლი 3.

საქართველოს იურისდიქციის ქვეშ მყოფ ეროვნულ არასამთავრობო ორგანიზაციათაგან მხოლოდ საქართველოს წითელი ჯვრის საზოგადოებას აქვს უფლება, გამოიყენოს სახელწოდება "წითელი ჯვარი".

### მუხლი 4.

საქართველოს ტერიტორიაზე შეიარაღებული კონფლიქტის დროს ემბლემის გამოყენების უფლება აქვთ:

- ა) საქართველოს სამხედრო ძალების სამედიცინო-სანიტარიულ სამსახურებს;
- ბ) საავადმყოფოებს, აგრეთვე დაჭრილთა, დაავადებულთა და დაზარალებულთა სამედიცინო დახმარებით დაკავებულ სხვა სამოქალაქო სამედიცინო ობიექტებს;
- გ) საქართველოს წითელი ჯვრის საზოგადოებას.

### მუხლი 5.

1. საქართველოს ტერიტორიაზე შეიარაღებული კონფლიქტის დროს ემბლემის დაცვითი ფუნქციით გამოყენების უფლება შეიძლება მიეცეთ შემდეგ პირებსა და ობიექტებს:

#### ა) პირები:

ა.ა) მეომარი მხარეების მიერ სამხედრო ძალების სამედიცინო-სანიტარიული სამსახურების დასახმარებლად ნებაყოფლობით საფუძველზე მოწვეული სხვა ორგანიზაციების სამედიცინო პერსონალი, რომელთა საქმიანობასაც აკონტროლებს ხელისუფლება;

ა.ბ) საომარი მდგომარეობის დროს ნეიტრალური და სხვა ქვეყნების წითელი ჯვრის, წითელი ნახევარმთვარის ეროვნული საზოგადოებების თანამშრომლები;

ა.გ) სამოქალაქო თავდაცვის ფუნქციის მქონე ორგანოს სამედიცინო პერსონალი;

ა.დ) ხელისუფლების მიერ უფლებამოსილი სამოქალაქო საავადმყოფოების სამედიცინო პერსონალი, რომელიც კონფლიქტის ან ევაკუაციის ზონაში იმყოფება;

ა.ე) სამხედრო ძალებისა და მათი სამედიცინო-სანიტარიული სამსახურების თანმხლები სასულიერო პირები.

#### ბ) ობიექტები:

ბ.ა) სამხედრო ძალების სამედიცინო და სანიტარიული ობიექტები;

ბ.ბ) სამედიცინო დაწესებულებები;

ბ.გ) სამედიცინო დანიშნულების შენობები;

ბ.დ) სამედიცინო აღჭურვილობა;

ბ.ე) საჰაერო, სახმელეთო და საზღვაო საგრანსპორტო საშუალებები (თვითმფრინავი, ვერტმფრენი, მაგარბელი, ავტომობილი, გემი და სხვა), რომლებიც დაჭრილთა გადაყვანას და სამედიცინო საშუალებების გადატანას ემსახურებიან; ბ.ვ) ჰოსპიტლები;

ბ.ზ) ხელისუფლების კონტროლს დაქვემდებარებული სანაპირო - სამაშველო გრანსპორტი.

2. ამ მუხლის პირველ პუნქტში აღნიშნული პირებისა და ობიექტების შესახებ მონაცემები ეცნობება მეომარ მხარეებს.

#### მუხლი 6.

ამ კანონის მე-5 მუხლში აღნიშნული პირებისა და ობიექტების თითოეულ კატეგორიაზე ემბლემის დაცვითი ფუნქციით გამოყენების საერთო ნებართვას გასცემს საქართველოს თავდაცვის სამინისტრო. საქართველოს სამხედრო ძალების სამედიცინო-სანიტარული სამსახურების დამხმარე საქართველოს წითელი ჯვრის სამოგადოების ფორმირებები წითელი ჯვრის ემბლემას იყენებენ დაცვითი ფუნქციით.

#### მუხლი 7.

ამ კანონის მე-5 მუხლში აღნიშნულმა და მე-12 მუხლში აღნიშნული ორგანიზაციების წამომადგენლებმა, რომლებსაც აქვთ საგანგებო მდგომარეობისა და შეიარაღებული კონფლიქტის ზონებში ემბლემის გამოყენების უფლება, თან უნდა იქონიონ პირადობის დამადასტურებელი მოწმობა ფოტოსურათითა და რელიეფური ბეჭდით. მოწმობაში მითითებული უნდა იყოს პირის თანამდებობა; ამასთან, მათ მარცხენა მკლავზე უნდა აგარონ ემბლემიანი სამკლავური ბეჭდით. მოწმობა ფორმითა და შინაარსით უნდა შეესაბამებოდეს ქენევის კონვენციებით დადგენილ სტანდარტებს.

#### მუხლი 8.

მე-7 მუხლში მითითებულ პირებზე აღნიშნულ მოწმობებსა და სამკლავურებს გასცემს და აღრიცხავს საქართველოს თავდაცვის სამინისტრო.

#### მუხლი 9.

საქართველოში შიდა კონფლიქტის დროს საქართველოს წითელი ჯვრის სამოგადოებას უფლება აქვს კონფლიქტში მონაწილე მხარეებთან შეთანხმებით დამოუკიდებლად გადაწყვიტოს, ვინ და როგორ გამოიყენოს ემბლემა დაცვითი ფუნქციით.

#### მუხლი 10.

შუქფარი, რადიო-და ელექტროსიგნალები გამოიყენება ქენევის კონვენციების პირველი დამატებითი ოქმის შესაბამისად.

#### მუხლი 11.

ნებისმიერ დროს ემბლემის გამოყენების უფლება აქვთ საქართველოს სამხედრო ძალების სამედიცინო-სანიტარულ სამსახურებს თავიანთი პერსონალისა და სახმელეთო, საჰაერო და საზღვაო საგრანსპორტო საშუალებების აღსანიშნად.

#### მუხლი 12.

წითელი ჯვრის საერთაშორისო კომიტეტს და წითელი ჯვრისა და წითელი ნახევარმთვარის სამოგადოებათა საერთაშორისო ფედერაციას უფლება აქვთ საქართველოს მთელ ტერიტორიაზე, ნებისმიერ დროს და ნებისმიერ საქმიანობაში გამოიყენონ ემბლემა დაცვითი ან განმასხვავებელი ფუნქციით.

#### მუხლი 13.

საქართველოს წითელი ჯვრის სამოგადოებას უფლება აქვს თავის საქმიანობასთან დაკავშირებით ნებისმიერ დროს გამოიყენოს წითელი ჯვრის ემბლემა განმასხვავებელი ფუნქციით, წითელი ჯვრისა და წითელი ნახევარმთვარის

საერთაშორისო მოძრაობის პრინციპების შესაბამისად.

მუხლი 14.

მშვიდობიან დროს, საქართველოს წითელი ჯვრის საზოგადოების თანხმობით, ემბლემის განმასხვავებელი ფუნქციით გამოყენება შეუძლიათ სასწრაფო და გადაუდებელი სამედიცინო დახმარების საგრანსპორტო საშუალებებს და პირველი სამედიცინო დახმარების პუნქტებს, რომლებიც უფასოდ უზრუნველყოფენ დაჭრილთა და დაავადებულთა სამედიცინო დახმარებას.

მუხლი 15.

საქართველოს წითელი ჯვრის საზოგადოებას უფლება აქვს გამოიყენოს წითელი ჯვრის ემბლემა საზოგადოების სრული დასახელებით ან ინიციალებით, სტიქიური უბედურებისა თუ შეიარაღებული კონფლიქტის მონაში დაზარალებულთა და მათთვის განკუთვნილი ჰუმანიტარული ტვირთის აღსანიშნად სახმელეთო, საჰაერო და საზღვაო საგრანსპორტო საშუალებებზე.

მუხლი 16.

საქართველოს წითელი ჯვრის საზოგადოებას უფლება აქვს გამოიყენოს წითელი ჯვრის ემბლემა ნაბეჭდ პროდუქციაზე, სხვადასხვა სარეკლამო ნაკეთობებსა თუ მასალებზე და გასაყიდ საგნებზე. ამ შემთხვევაში ემბლემა უნდა იყოს მცირე ზომის, საზოგადოების სრული დასახელებით.

მუხლი 17.

საქართველოს წითელი ჯვრის საზოგადოებას ფულადი სახსრების მოზიდვის მიზნით წითელი ჯვრის ემბლემის გამოყენება შეუძლია ეროვნული საზოგადოებების მიერ წითელი ჯვრისა და წითელი ნახევარმთვარის ემბლემების გამოყენების წესების შესაბამისად, რომლებიც მიღებულ იქნა წითელი ჯვრისა და წითელი ნახევარმთვარის ვენის 1965 წლის XX საერთაშორისო კონფერენციაზე.

მუხლი 18.

ემბლემის განმასხვავებელი ფუნქციით გამოყენებას აკონგროლებენ საქართველოს წითელი ჯვრის საზოგადოება და სამართალდამცავი ორგანოები.

## **თავი II. გარდამავალი დებულებანი**

მუხლი 19.

საქართველოს მთელ ტერიტორიაზე გაუქმდეს წითელი ჯვრის ნიშანი, როგორც სამედიცინო და ფარმაცევტული დაწესებულებების აღმნიშვნელი სიმბოლო.

მუხლი 20.

საქართველოს პარლამენტის ჯანმრთელობის დაცვისა და სოციალურ საკითხთა კომიტეტმა აღმასრულებელი ხელისუფლების შესაბამის ორგანოებთან ერთად უზრუნველყოს სამედიცინო და ფარმაცევტული დაწესებულებების აღმნიშვნელი ახალი სიმბოლოს შემუშავება.

მუხლი 21.

საქართველოს შინაგან საქმეთა სამინისტრომ ამ კანონის ამოქმედებიდან სამი თვის ვადაში უზრუნველყოს სამკურნალო დაწესებულებების აღმნიშვნელი ახალი საგზაო ნიშნის შემუშავება.

მუხლი 22.

საქართველოს მთელ ტერიტორიაზე საქართველოს იურისდიქციის ქვეშ მყოფ ყველა ორგანიზაციას, გარდა საქართველოს წითელი ჯვრის საზოგადოებისა, აეკრძალოს თავის დასახელებაში სახელწოდებების "წითელი ჯვარი" და "წითელი ნახევარმთვარე" გამოყენება.

მუხლი 23.

ამ კანონის მოთხოვნების დარღვევა იწვევს პასუხისმგებლობას საქართველოს კანონმდებლობის შესაბამისად.

### **თავი III. დასკვნითი დებულებანი**

მუხლი 24.

ეს კანონი ამოქმედდეს გამოქვეყნებისთანავე.

საქართველოს პრემიერენტი

*ელუარდ შევარდნაძე.*

თბილისი,  
1997 წლის 2 ოქტომბერი.  
N 902